

1838 – L'entschatta dil cudisch funsil

Ils cudischs da funs culs marcaus, brats e hipotecas fuorman la part dils cudisch che s'audan agl Uffeci funsil Tujetsch. Ellas, las rodund 5000 impurtaziuns, ein ina fontauna historica per eruir il traffic da hanletg, brats da prau e hipotecas. Il document ein ina reha fontauna dils numns locals, mo era dils numns dils habitonts dalla val. Mintga pagina dat numerusas informaziuns davart clavaus e casas, era da mulins e falluns e mintga contract ha sias stuschonzas. Il text ei ina fontauna da lungatg e da plaids daditg svani ord il repertuari dad oz.

La transcripziun da quels cudischs fuss ina nundetga lavour, denton da gronda rihezia. Da mintga cudisch documentescha in exempel, mintgamai egl emprem cudisch, davart la formulaziun e fuorma dils contracts.



Protocols da funs 1838 – 1849

Cudisch 37x23x4 cm; 337 paginas e register alfabetic

Numer dils debiturs	Il numns dils debiturs	Las messas perpetnas	Pieun che croda annualmein	Spenda da graun che croda annualmein	Spenda da sal
1.	Monn Vigieli Giuseppe a Zarcuns , feagl da Vigieli p.m.	1. Paga ina messa perpetna per Casper de Gonda e croda ils 5 da schaner a s. Onna al segnerfarrer		Il medem Monn paga davart siu bab p.m. Vigielli Monn minals otg, scrivel 8 m	
		2. Paga il sura ina messa perpetna alla caplania da Rueras per Maria Margreta de Curtins 1 fl e croda a S. Giachen , ils 2 da fenadur			

1. Per che la messa perpetna per Casper de Gonda seigi da tut temps per tscheins e capital segirada, metta il debitor per underphand igl onn 1814, ils 13 da fevrer in frust a **Camischolas Sura**, sur clavau, e las stuschonzas ein: dadora funs d'Onna Maria Monn; miezdi: Hans Gieri Berter; la sera: Antoni Berter; mesanotg: signur mistral Christ Valentin Beer; e quei per liber e fri, resalvond duas curtaunas spenda als paupers.

2. Per che la spenda da graun seigi da tut temps per tscheins e capital segirada, ha il debitor igl onn 1838, ils 31 da december, mess per underphand in frust prau ora **Zarcuns** sur ils clavaus, las stuschonzas ein dadora Onna Maria Monn (sora dil debitor); dadens Maria Luzia Berter; giusut Librata Berter; sisura Gion Antoni Beer; quei tut per liber e fri.

I. Cudisch da contracts da brat e vendita 1838 - 1875

Cudisch 45x30x6 cm; 460 paginas che cuntognan intragliauter duas/treis impurtaziuns, fa rodund 1000 impurtaziuns; cun register alfabetic

Praus oragiu **Mila**

Ei denter Toni Maculin e Martin Schmedt daventau il sequent marcau, nua che Toni dat al detg Martin tut ils ses praus, ch'el ha giu Mila, ni ils ses praus ch'el ha artau da ses vegls, cun il baghetg ch'ei in ladretsch ed ina talina, cun la mesadad dil nuegl e la zona sut talina, e sia purziun chischner vitier. Ils praus ein 8 frusts. Quei tut dat il Toni per 600 flurins, detg sistchien renschs e duas crenas carnpiertg e fa leger 2 sontgas messas. Da quels 600 flurins ei il Martin obligaus da pagar da s. Martin 200 fl per onn cun il tscheins vitier, entscheiva 1839 s. Martin, 1840 e 1841 la davosa rata, quei prau dat el per liber e fri (*frei und ungehindert*).

Contracts da brat e vendita 1875 - 1920

II. Cudisch da marcaus e brats a Tujetsch 1875

Cudisch 40x26x5 cm; 585 paginas cun 618 impurtaziuns; register alfabetic

Sut il sura datum, 26 da fevver 1875, ha genau Giachen Antoni Schmet dau e vendiu en public fercanten la casa e praus grass ed ils maghers da **Mulinatsch** cun tuts baghetgs che audan leutier ch'ei stai da Vigieli Monn e ses treis affons, sco era sias parts chischners a **Sedrun** cun tuts dretgs e regress e sco nodas e tiarms muossan e sco igl ei vegniu gudio e possediu dils avon possessurs.

Tier la casa eis ei dau la talina da lenna e la zona da cauras vid quella, giun stizun eis ei dau ils arcuns, las crunas e la scaffa da glas. Sin stiva eis ei dau in letg e la meisa buna, tut ils bauns e la scaffa da glas.

Ils funs ein ils suandonts:

1mo	quel da Pitgmun	festes 51
2do	frust la Pala	festes 73 ½
3tio	frust la Plaunca	festes 141 ½
4to	frust Niregl orasisum	festes 349
5to	osum Bagliaglia	festes 298 ½
6to	la Foppa dalla Cresenzia	festes 356
7to	frust Prau da Vitg	festes 99
8to	quel dador baselgia	festes 142
9to	quel denter las muschnas	festes 25 ½
Total		festes 1536

Tier il sura funs eis ei dau baghetgs, il nuegl e clavau vid quel da genau Lucas Cavegn, dapli dus ladretschs clavau ed il nuegl dadora sur casa da Gion Antoni Deragisch, dapli chischner, ei aunc cun affons da Stiafen Monn da parter, quei ch'ei stau dalla massa assistent Cavegn la mesadad, cun remarcar che tier quels funs seigi dau negin cullem, essend pli baul stau vendiu ord sura. Ultra digl avon menziunau eis ei aunc il siu prau magher e baghetg da **Mulinatsch Sut**, sut baghetg eis ei 2 ½ plattas, clavau e purziun nuegl cun tuts dretgs e regress e sco nodas e tiarms muossan e sco igl ei gudio e possediu dils avon possessurs agli cumprader Vigieli Joseph Berther.

Per igl avon tut en bloc ha il cumprader empermess da pagar als vendiders in capital da frs. 10'000, ditgel francs dieschmelli, cun lura remarcar che la casa eri schada via per entochen s. Martin per tscheins, ed aschia han ils vendiders da trer il tscheins accordaus per la casa, ed il cumprader sto per il present onn tscheinsir mo per frs. 8000 da s. Martin a norma da 4 ½

procent e da leu naven aber dueien curdar il tscheins per tuts dieschmelli francs.
Per verdad e vigur da quei tut, attestan ton ils vendiders sco il cumprader cun atgna
suttascripziun.

NB. Eis ei s'entelgiu da schar trer giu per igl onn present il tscheins casa ch'el sa buca guder
ch'era schada via frs. 150. Per verdad e vigur da quei tuts attestan:

Il vendider

Jacob Anton Schmed
ugau d'affons Vigieli Monn

Cumprader
Vigieli Joseph Berther



I. Cudisch da hipotecas 1839 - 1860

Cudisch: 45x30x6 cm; 448 paginas à intragliauter $\frac{3}{4}$ impurtaziuns per pagina, pia rodund 1400
impurtaziuns, alla fin in register

Creditur: Parochia da s.Vigeli u baselgia

debitur: Balzer Curschellas

Per capital da fl. 65, ditgel renschs sisontatschun, che Balzer Curschellas ei culpons alla baselgia
da s.Vigeli, sco era per tscheins e spesas che massen si, stat segirau in frust prau a **Surrein** si
Canadal; stuschonzas: encunter **Surrein** Gion Antoni Jacumet, encunter igl uaul il medem,
encunter **Nacla** Maria Ursula Riedi, encunter il **Tgom** era Gion Antoni Jacumet; pli aunc in
auter frust leu numnaus la **Sort**, giusut Paul Decurtins, sisura Gion Antoni Jacumet, dadens
Anton Meissen encunter igl uaul **Surrein**, encunter **Nacla** Gion Antoni Jacumet.

Cudisch da hipotecas 1860 - 1892

II. Protocol de Hipotecas per la ludeivla vischnaunca da Tujetsch, entschats 1860, ils 20 da mars

Cudisch 45x30x5 cm; 552 paginas e 725 impurtaziuns, register

Creditur: Sep Lurens Schmed

Debitur: stalter Giachen Martin Beart

20 da mars 1860

Casa u mulin a **Gonda**

Per il capital da frs. 140 ditgel tschiencuronta francs, che stalter Giachen Martin Beart ei
daventaus culpons a Sep Lurens Schmed, tenor cumpra d'ina casa vin **Gonda** u mulin da Rest
Antoni Mucli p.m. sco ei da ver ord la brev da 1860 scretta ils 4 da fevrer. – Per segironza dil
sura capital, sco era per tscheins e spesas mett'il sura Beart per Unterpfang al numnau Schmed
la medema casa u object cumprau, sco ei da ver en la brev da 1860 fatga ils 4 da fevrer. Per
confirmaziun dil sura, nunsavend scriver fa stalter Giachen Beart sut sia noda casa

III. Cudisch da hipotecas 1864 - 1934

Cudisch 45x30x9 cm; 867 paginas cun 708 impurtaziuns; negin register

Creditur: Baselgias e pervendas

Debitur: Martin Riedi

Tujetsch, ils 26 da zercladur 1864

Il sura Martin Riedi vegn alla caplutta da s. Paul annual dus quarts pieun per capital francs	10.20
dapli alla caplutta da Nossadunna, capital	35.70
dapli alla pervenda da Selva , capital	20.00
Total francs	65.90

1. Unterpfang pil sura ei in frust numnaus **Cargniolla**, cunfina dadora stalter Stiafen Schmedt,

sura Gion Giaseph Riedi, dadens Augustin Riedi, sut il Landstras Niev, mesira circa fests 60.
 2. In frust ils **Nualatschs** cunfina dadora salter Giachen Venzin, sut il dutg e prau da Gielli Schnozs, dadens Giachen Antoni Deflorin, sura il Landstrass Niev, fests 45
 Per attestaziun dil sura suttascriba il debitur
Tujetsch, ils 22 da zercladur 1864
 Matin Riedi

Survista dils debiturs 1864

Cudisch 24x18x2 cm; cudisch ligiaus ord plirs fegls da mintga vischinadi; 266 paginas, negin regsiter

In exempel dil vischinadi da **Bugnei**

Ils Untepfans per il vischinadi da **Bugnei** per las raubas pias dalla vischnaunca **Tujetsch**, renovau 1864 il zercladur.

Unterpfind

Seph Antoni Biart debitescha las suandontas raubas pias sco cheu suonda.

1mo alla spenda da graun 5 minals per in capital	25.50
2do alla filiala caplutta da s. Giusep per in capital	18.20
3tio alla filiala caplutta da s. Leci, capital	374.00
4to alla caplania da Sedrun , capital	259.60
5ta alla filiala caplutta da s. Bistgaun, capital	155.83
6ta alla spenda dil sal tscheins annual raps 57, capital	14.25

Per ils cheu avon numnai capitals metta Seph Antoni Biart il suandont unterpfand sco cheu suonda.

1mo In frust prau grass a **Bugnei** giusum ils **Plauns**, che cunfina dadora Seph Antoni Giossi, sura e dadens Giachen Gioseph Decrusch, giusut ils maghers e badugnas, fests 180.

2do In auter frust era leu sut il viadi che cunfina dadora e dadens Giachen Gioseph Decrusch, sura il landstras niev, giusut las plauncas ed ils praus maghers, fests 315.

3tio In auter frust prau grass grad sur il landstras, staus da Vigielli Modest Sievi che cunfina dadora Cecilia Riedi, sura Gion Batesta Beer, dadens Gion Gioseph Decrusch, sut il landstras niev, fests 70.

4ta Il frust che va tras il lanstras niev che cunfina dadora Gion Antoni Curselas e Banadetg Deragisch, sura il Landstras, dadens Gion Banadetg Deragisch e Seph Antoni Giossi, giusut Seph Antoni Giossi; quei fa fests 340, tut igl avon per liber e fri.

Per attestaziun da quei suttascriba il debitur sez

Tujetsch, ils 29 da zercladur 1864

Sep Antoni Biart

Register dils debiturs che han Unterfan a Tujetsch 1869

Cudisch 45x30x6 cm; ordinau ed impurtau tenor igl alfabet

Depitur hipotecari	Hipotecas u objets impegnai	Nua	Remarcas
Andriuet Clau a Selva	2 frusts a Selva , il Cugn e Tschavitg	I/ pag. 158	pagaus
	in frust a Selva suenter ils Underphands dad artavels da stalter Vigieli Venzin	II/ pag. 58, nr. 137	pagau giu
	9 frusts a Selva e S. Brida , Carmihut	II/ pag. 13, nr.30	pagau giu
	dapli aunc 12 frusts era a Selva	I/ pag. 261	pagau cumprau
	suenter ils sura tut	II/ pag. 57, nr. 134	pagau giu
	6 frusts a Selva ni Carmiu	III/ pag. 26, nr 23	

1842 - Cumpra da prau a Plaun Miez

Gion Flurin Riedi cumpra "il prau entir claus ora a Plaun Miez, il baghetg grond cun dretgs e regress tenor brevs e scartiras sco ils possessurs han gudiu e possediu per il capital da 1550 renchs." Tochen tut ei pagau resta il funs e baghetgs sco pègn (Unterpfang). Dapli ei rugalau ch'ils tiarms mess en dils vendiders astgien buca vegnir tratgs ora entochen che las 5 ratas ein buca pagadas; quei ord motiv che mintgin savess aunc salvar ses agens tocs prau, sch'ei vegness aschilunsch.

No. 23 Copia
Datum della brief.
Lis 1842, ils de Martz en Cujetsch.
Eis ei denter Gion Flurin Riedi sco cumprader d'ina vart et possessurs disj prau de Plaunmiez chei Sigr Scrivon G. M. Mon, Str. Figili Beer, Thomas Berther, Martin e Thomas Schmid de l'autra vart d'avenda il sequent Marcan vecli e sidretg nommadameing: Patten e vendan ils sura vendiders agli Gion Flurin Riedi, lur prau entir claus ora a Plaunmiez et iyl Baghetg axon cun Dretgs e regress tenor Brevs e Scartiras e sco els han gudiu e possediu per iyl Capital de f. 1550 renchs melli tschentschentschunconts, che croda iyl emprim tscheins 1842 a S. Martin 5/100 suenter iyl usit, nua aber iyl cumprader ei obligaus iyl emprim on de pagar mo/49: 10 suenter aber iyl tscheins entir et suenter 3 ons 1845 ei iyl cumprader obligaus de pagar giud iyl Capital f. 100 per on cun il tscheins vitier entochen ch'igl entir Capital ei pagaus e per chils vendiders segien adina segerrai per lur Capital, tscheins e speras che massen si, resta iyl moden funs e baghetgs adina entochen tutt ei pagau per Unterpfang e segirezia, Ei gli ei era d'entelger che ils Tiarms chein stai mess en denter ils possessurs sen quei prau possien disj cumprader buca vegnir tratgs ora entochen las 5 ratas giud iyl Capital ein buca pagadas, per motiv che mintgin savess aunc salvar ses agens tocs prau schei vegnies de quella. Scadin particular vendider ha d'avere in capital de f. 300, oreifer Ur: Figili Beer ha d'avere f. 380.

Per confirmazion e validitah, dil sura marcan suttascriveren las Part contrahentas cun lur signas suttascriptivins.

Figili Jos. Beer: G. M. Mon, Thomas Berther, Martin e Thomas Schmid sco vendiders. Gion Flurin Riedi sco cumprader.

Per fideivla copia tom I. No. 23, atesta
Cujetsch, ils 15 de december 1861.

Fig. Berther,
registrator fonsil.

1844 - Accord per survetsch militar

Gion Battesta Peder ei egl jester ed impediens da far il survetsch militar. Per el surprèn Giusep Antoni Decurtins il survetsch dalla milissa. Igl ugau da Gion Battesta Peder, Gion Giachen Gieriet, reglescha quei en in contract, ed oblighescha da pagar per quei survetsch 25 flurins. Il pagament entscheiva per la fin 1845 e cuoza tochen 1848, pia sur quater onns ora surprèn il Giusep Antoni il survetsch per Gion Battesta Peder.

21. 1844
Tujetsch il 23 da matg 1844.

Eis ei denter il suttascrèt d'averan il sequent accord ed entelgientscha, numnadamein Giusep Antoni de Curtins ei s'obligaus d'entrar en la „Landsmilisa“ e ventscher ora il survetsch a quella per il Gion Battesta Peder, dapresent absents da sia patria, e zuar s'obligesch' il sura de Curtins d'oz naven sorprendar sin sesez tuttas responsabilitads appartenent tier il survetsch dalla „Landsmilisa“ per il numnau Peder entochen che quel ha surviu ora ses onns a quella.

Il suttascrèt ei s'obligaus, sco ugau dil detg Peder da pagar 25 fl., scrivel ventgatschun renchs e zuar 5 fl. suenter ch'el tuorna anavos dalla mustra proxima che vegn tenida a Cuera ed il rest a proporziun sco ei tucca per onn, entschavend la fin da 1845 a pagar 5 fl. e la fin da 1846 5 fl. e la fin da 1847 5 fl. e la fin da 1848 5 fl. da maniera che fa ensemen igl importo da 25 fl.

Il de Curtins ei sco sura detg, s'obligaus da procurar sin siu quen tut quei il qual in ch'ei el survetsch da „Landsmilisa“ ei obligaus d'haver e procurar, sco era tuts attestats e requisits ch'in substitut ei obligaus d'haver per entrar el sura survetsch sco substitut sin siu quen, e per feda dil sura cuntegn, suttascriva scadin cun siu num e schlatteina cun agen maun

Tujetsch, ils 23 da matg 1844

Eis ei denter il suttascrèt d'averan il sequent accord ed entelgientscha, numnadamein Giusep Antoni de Curtins ei s'obligaus d'entrar en la „Landsmilisa“ e ventscher ora il survetsch a quella per il Gion Battesta Peder, dapresent absents da sia patria, e zuar s'obligesch' il sura de Curtins d'oz naven sorprendar sin sesez tuttas responsabilitads appartenent tier il survetsch dalla „Landsmilisa“ per il numnau Peder entochen che quel ha surviu ora ses onns a quella.

Il suttascrèt ei s'obligaus, sco ugau dil detg Peder da pagar 25 fl., scrivel ventgatschun renchs e zuar 5 fl. suenter ch'el tuorna anavos dalla mustra proxima che vegn tenida a Cuera ed il rest a proporziun sco ei tucca per onn, entschavend la fin da 1845 a pagar 5 fl. e la fin da 1846 5 fl. e la fin da 1847 5 fl. e la fin da 1848 5 fl. da maniera che fa ensemen igl importo da 25 fl.

Il de Curtins ei sco sura detg, s'obligaus da procurar sin siu quen tut quei il qual in ch'ei el survetsch da „Landsmilisa“ ei obligaus d'haver e procurar, sco era tuts attestats e requisits ch'in substitut ei obligaus d'haver per entrar el sura survetsch sco substitut sin siu quen, e per feda dil sura cuntegn, suttascriva scadin cun siu num e schlatteina cun agen maun

Johann Jacob Gieriet, sco ugau dils affons da Giusep Maria Peder per miert

Giuseppe Antoni de Curtins

PS. Sin garegiar dil sura Sep Antoni de Curtins era ei il medem di vegniu dau daners 5 fl, εμπrem curdai 1fl. 80 x e per feda da quei suttascriva il creditur sez
Giusep Antoni de Curtins

1844 - Mirs baghegiai denter 1844 e 1848

La scartezia da lenna ha sfurzau la vischnaunca da limitar il diever da quella. La classena, ch'era ina seiv fetg praticada suenter las pastiras, consumava relativamein fetg bia lenna. Savens steuva ella vegnir remplazzada, en certs loghens quasi mintga primavera, vegneva ella savens disfatga entras lavinas. Sco prevenziun dil diever da lenna, sustegn la vischnaunca il construir mirs cun ina contribuziun. Aschia ha il "glaser" (finistrer) Zanetti retschiert 3 flurins per 6 tschuncheismas mir ch'el ha baghegiau giu Las Rueras sper la pastira.

Anno 1844 ils 7 da fevver mess per scret ils mirs baghegiai: fuenta Los Rueras nei praus che era stau seiv nua che mintgin ha mantener mir e buca far classena pli tenor uorden da vischnaunca

Glaser Zanetti ha baghegiau giu Las Rueras sper la pastira sidengiu 6 tschuncheismas pagau 3 fl.

Stalter Valentin Caveng ha baghegiau giusut siu iert 7 tschuncheismas pagau 3:30 fl.

Toni Macolin ha baghegiau ora la Foppa Niregl sut Gassa, 17 tschuncheismas, paga 8:30 fl.

Gion Chasper de Platz ha baghegiau via dadora Dieni sut Gassa, 6 tschuncheismas, paga 3 fl.

Signur mistral Venzin ha baghegiau vi Putnengia sur Gassa vi encunter Tschuppina, 13 tschuncheismas, pagau 6:30 fl.

Anno 1845 ils 20 da Genes fuenta ils mirs baghegiai quest onn.

Gion de Platz per mir baghegiau vi Dieni, 4 tschuncheismas e 2 bratscha pagau 2 x 20.

M. Marti Muckli baghegiau sur sia casa vedra 5 bratscha pagau 50 x.

M. Gion Antoni Curschellas baghegiau in mir si Pitgmun, 8 tschuncheismas e 2 bratscha, 4 fl 20 x.

Gion Antoni Schmed baghegiau in mir sul Plaun s. Leci sur Gassa, 4 bratscha 40 x.

Nota dils mirs ch'ei vegni baghegiai 1845 a 1848

Duri Hendri ella gassa da Nacla 4 tschuncheismas si da maun sura pagau 2 fl.

Gion Giuseph Riedi baghegiau mir 6 1/2 tschuncheismas giu Selva ora giun Tschavittg pagau 3 fl 30 x.

Gion Fidel Caduf baghegiau mir giu Mila, 3 bratscha pagau 30 x.

Assistent Mucli baghegiau mir sin Scharinas 10 1/2 tschuncheismas, 5 fl 30 x.

Stalter Gion Crest Monn baghegiau mir en Zarcuns, 2 tschuncheismas, pagau 1 fl.

Sep Maria Hendri baghegiau mir en Plauns, 6 2/3 tschuncheismas, pagau 3 fl 20 x.

Signur mistral Venzin baghegiau mir endadens Dutg Grond sut gassa, 12 tschuncheismas, pagau 6 fl. Ei era pagau per quei ch'ei aunc da ventscher e far si.

Ils vischins da Selva baghegiau mir per la caplania da Selva 6 2/3 tschuncheismas, pagau 3 fl. 20 x.

Mirs baghegiai 1844 -1848

Anno 1844, ils 7 da fevver, mess per scret ils mirs baghegiai suenter las pastiras ni praus che era stau seiv, nua che mintgin sto mantener mir e buca far classena pli tenor uorden da vischnaunca.

- Glaser Zanetti ha baghegiau giu **Las Rueras** sper la pastira sidengiu, 6 tschuncheismas 3 fl.
- Stalter Valentin Caveng ha baghegiau giusut siu iert, 7 tschuncheismas, pagau 3:30 fl.
- Toni Macolin ha baghegiau ora la **Foppa Niregl** sut **Gassa**, 17 tschuncheismas, paga 8:30 fl.
- Gion Chasper de Platz ha baghegiau via dadora **Dieni** sut **Gassa**, 6 tschuncheismas, paga 3 fl.
- Signur mistral Venzin ha baghegiau vi **Putnengia** sur **Gassa** vi encunter **Tschuppina**, 13 tschuncheismas, pagau 6:30 fl.

Anno 1845, ils 20 da schaner suondan ils mirs baghegiai quest onn.

- Gion de Platz per mir baghegiau vi **Dieni**, 4 tschuncheismas e 2 bratscha, pagau 2 fl 20 x.
- Stalter Marti Muckli baghegiau sur sia casa vedra 5 bratscha, pagau 50 x.
- Stalter Gion Antoni Curschellas baghegiau in mir si **Pitgmun**, 8 tschuncheismas e 2 bratscha, 4 fl 20 x.
- Gion Antoni Schmed baghegiau in mir sul **Plaun s. Leci** sur **Gassa**, 4 bratscha 40 x.

Nota dils mirs ch'ei vegni baghegiai 1845 a 1846.

- Duri Hendri ella gassa da **Nacla** 4 tschuncheismas si da maun sura, pagau 2 fl.
- Gion Giuseph Riedi baghegiau mir 6 1/2 tschuncheismas giu **Selva** ora giun **Tschavittg**, pagau 3 fl 30 x.
- Gion Fidel Caduf baghegiau mir giu **Mila**, 3 bratscha 30 x.

- Assistent Mucli baghegiau mir sin **Scharinas** 10 1/2 tschuncheismas, 5 fl 30 x.
- Stalter Gion Crest Monn baghegiau mir en **Zarcuns**, 2 tschuncheismas, pagau 1 fl.
- Sep Maria Hendri baghegiau mir en **Plauns**, 6 2/3 tschuncheismas, pagau 3 fl 20 x.
- Signur mistral Venzin baghegiau mir endadens **Dutg Grond** sut gassa, 12 tschuncheismas, pagau 6 fl. Ei era pagau per quei ch'ei aunc da ventscher e far si.
- Ils vischins da **Selva** baghegiau mir per la caplania da **Selva** 6 2/3 tschuncheismas, pagau 3 fl. 20 x.

- Stalter Giachen Venzin, **Selva**, baghegiu mir oragiu **Tschavitg**, 4 tschuncheismas, 2 fl.
- Crest de Curtins baghegiu mir si sul **Plaun s. Leci**, 5 tschuncheismas, pagau 2 fl 30 x.
- Stalter Martin Beer baghegiu mir vin **Dieni** sut gassa, 19 1/3 tschuncheismas, pagau 9 fl. 40 x.
- Giachen Antoni Zaneti baghegiu mir en spella **Punt da Tgamaura**, 15 tschuncheismas, pagau 7 fl.
- Turtè Riedi baghegiu mir ora sin **Curtin da Sedrun**, 3 tschuncheismas, pagau 1 fl 30 x.
- Duri Biart baghegiu mir ora sin **Curtin da Sedrun**, 5 tschuncheismas, pagau 2 fl 30 x.
- Stalter Sep Antoni Mucli baghegiu mir giun **Plaunca d'Asens**, 6 2/3 tschuncheismas, pagau 3 fl 20 x.
- Stalter Vigeli Beer baghegiu mir enta **Mira Pintgia** (*la part prau dadens Mira, vest dalla plonta*), 6 bratscha, pagau

Anno 1848

Nota dils mirs ch'ei vegni baghegiu quei om.


- Fravi Soliva leu **Sedrun** 20 bratscha mir, 3:20 fl.
- Turtè Riedi per mir ora sin las **Plauncas da Sedrun**, 6:55 fl.



Gassa a Surrein, ni via da comunicaziun per **Surrein Sut** e **Cavorgia**, era numnada **Via da bara** dils da **Maun Sut**. Seniester la tipica classena dalla val e dretg in brav mir. Miez il 19avel tschentaner ha la vischnaunca susteniu il far mirs ed era la construcziun dils nuegls cun crappa. Tipics e derivonts da quei temps ein era ils clavaus cun pilasters da mir eregi da lu naven ella val.

1845 - Gudiment dall'alp Tschamut

Suenter la cunvegientscha dils vischins da Tschamut digl onn 1806, suonda la proxima cunvenziun. Sto esser ch'ins veva schau ir en emblidanza las decisiuns pridias gliez onn e novas dispetas fuvan naschidas. Era quella gada va ei puspei per tgi che astgi guder l'alp e co igl arvè alla claustra dueigi vegnir pagaus. Davart ils buca burghais vegn secunteniu sco la brev da sentenza digl on 1578 plaيدا. Donn denton che quei document maunca! Dil reminent ei era il document da 1543, che sebase silla brev da 1398, decisios.



Tujetsch, ils 15 da matg 1845

En caussa

denter ina maioritad da vischins dil ludeivel vischinadi da **Tschamut**, numnadamein: staltaltes Gion Clau Sievi, Barclamiu Berther, Maria Margretha Riedi, Rosa Riedi, Gion Bistgieun Riedi, Clau Sievi e Sep Maria Loretz sco ploign, encunter ina minoritad sil medem vischinadi, numnadamein: signur assistent Giachen Antoni Schmet cun ses frars, Gion Giuseppe Riedi, Giachen Antoni Deflorin, Augustin Riedi e Gieri Schnoz sco risposta, ariguard il guder l'alp da **Tschamut** acquistada dalla venerabla claustra da **Mustér** tenor brev digl onn 1543 ed en particular sin tgei moda reparter igl interess, avantatgs e disavantatgs da quella, la quala fatschenta ei stada ventilada entochen avon il ludeivel obercheit sut ils 8 d'avrel, aber igl onn present remessa ad in cumpromiss tenor brev cumpromissala dil medem datum eis ei dils sutscrits derschaders cumpromissals, suenter haver tedlau las verbalas proposiziuns dallas parts sezzas viu en ils produci mussaments litterals, numnadamein

a) La brev da cumpra dall'alp da **Tschamut** digl onn 1543.

b) Sentenzia en fatschenta encunter ils „hinderses“ dil vischinadi da **Tschamut** digl onn 1578.

c) Entelgientscha amicabile denter ils vischins da **Tschamut** digl onn 1806, ils 7 da schaner.

Quels reflectau e ponderau, en particular tratg en consideraziun il cuntegn dalla brev d'anno 1543, sco buca meins sefundau sin la praxis ed usit da nies ludeivel cumin en fatgs d'economia da vischnaucas.

Cun sentenza cumpromissala enconuschiu

1mo. Ils vischins sesents da **Tschamut**, che han ni gaudan casa e cuort, èrs e praus, han ils emprems dretgs da cargar l'alp da **Tschamut** cun lur tiers envernai ora cun pavel carschius sil

territori da quel.

2do. Igl arvè dils s.v. tiers pri si la stad, ultra dils envernai ora cun pavel da **Tschamut**, vegn partius suenter fiugs

3tio. Igl arvè dalla venerabla claustra da **Mustér** deigi vegnir tagliaus sin tut ils tiers cargai mintga stad ulivamein, tier la quala taglian dus armauls schetgs sco stiarls, stiarlas e vadials vegnan quintai per ina vacca ni genetscha.

4to. Spesas per cumprar jarva, sco per manteniment da punts, baghetgs ed autras reparaturas vid l'alp, vegnan purtadas giu ulivamein suenter fiugs.

5to. Cun ils „hinderses“ duei vegnir secunteniu sco la sentenza da **1578**.

6to. Il rugalar l'alp, sco era il prender si ils tiers jasters, deigi vegnir concludiu entras il pli dils fiugs.


7tmo. Tuttas disposiziuns cuntenidas ellas brevs ni entelgientschas che stattan en cuntradicziun cun il present dispositiv vegnan declaradas ord kraft e vigur.

8tvo. Per spesas giudizialas ed extrajudizialas caschunadas avon la presenta enconuschientscha, paga la part dalla risposta al plogn 55 fl.

9vo. Las spesas giudizialas per incumet (*mulesta*) e cibari (*spisa*) da quest tribunal cumpromissal consistentas en 43 fl. 16 x. vegnan dallas parts purtadas giu ulivamein, las extrajudizialas durant quest cumpromiss porta scadina part las sias.

Ils derschaders cumpromissals

Anton Arpagaus
J. B. Bundi
August Condrau



Prau Mulins/Plaun Mulins (pli da vegl: **Mühlematt**) el vest da **Tschamut**


1845 - Cudisch dils vischins da Rueras

Il vischinadis dalla val formavan cuminonzas per part autonomas ella val. Aschia fuvan els responsabels per la pasculaziun dalla primavera ed atun, per la pastira da casa, procurar per in pindrer e mirar ch'ils pors seigien enferrai. Possedeve il vischinadi ina scola, lu era quei era caussa dils vischins da mirar da quella. Las capluttas ein medemamein stadas sut lur survigilanza, mo era il manteniment fuva pensum dil vischinadi, a Rueras la baselgia da s. Giachen. Il vischins elegevan il cauvitg e quel organisava, tgamunava e nudava las decisiuns dallas radunozas da vischins. Il vischinadi da Rueras ha il pli vegl cudisch da vischins ch'entscheiva igl onn 1845. In sulet cudisch ha protocollau las decisiuns entochen igl onn 1977. Forsa ha gest quei cletg, ch'in sulet cudisch ha tenuu ton ditg, manteniu el als vegnentsuenter. Semegliont al vischinadi da Rueras tuccava ei era ils auters vischinadis dalla val. Il cudisch ei pia in maletg era dils auters vischinadis.

In sguard historic sin Rueras

El decuors dalla colonisaziun dalla val ein vitgs ed uclauns carschi, sco emprem el vonn dalla val, e lu sin las spundas preferidas. Tgunschamein ein **Sedrun** e **Rueras** stai dils emprems, suandai da **Camischolas** e **Zarcuns**. La val s'udeva alla claustra da **Mustér** e perquei ha era la tgira e cultivaziun dalla religiun giu sia preferenza e prioritad. Sto esser che la val veva gia el 12avel tschentaner numerus habitadis ed ina tschecca populaziun. Per buca preferir in dils loghens gronds han ins eregiu ina baselgia dalla val – ina per tuts – la parochiala cul patrun s. Vigeli agl ur dil vitg da **Sedrun**. Successivamein han, matei muort lur grondezia, era ils vitgs retschiert baselgias ni capluttas. Igl onn 1368 ei documentau ina caplutta a **Flurin Sura**. Dapli dad ella raquenta la historia dalla val nuot. Ella ei svanida e quei tgunschamein entras la destrucziun entras ina bova ni lavina. **Rueras** retscheiva sia emprema caplutta igl onn 1491. Sin in agen caplon spetgan els entochen igl onn 1643. Igl ir dumengia per dumengia e firaus a **Sedrun** ella parochiala cuoza entochen viaden el 20avel tschentaner. Cun igl onn 1971 daventa **Rueras** pli autonom cun il plevon rector. Il temps e svilup sforza al retuorn d'ina pleiv cun in sulet plevon per **Tujetsch** e quei igl onn 1993. La val fuva en possess territorial dalla claustra e quella drova in administratur per la vasta vallada. En emprema lingua va ei per la survigilanza dils passadis atras la val – sul **Cuolm d'Ursera** e sur **Tiarms** e tras la **Val Strem** sul **Krüzli/Pass La Crusch**. Avon l'avertura dalla **Val Scalina** fuva quel fetg bein frequentaus enviars nord e sid e cuntrari. Las sendas da sauma ston vegnir mantenidas. Sco liug adattau per far la survigilanza vegn construiu a **Putnengia** in casti. La famiglia de Putnengia surpren igl uffeci d'administratura. Igl onn 1252 vegn quella schlatta menziunada l'emprema gada ed il casti cumpara per l'emprema gada en in document da 1300. Secapescha ch'ils subdits ein era obligai alla dieschma. Il Tuatschins han buca giu da far cun castellans e rampuns neu dil casti – scadin cass relata la historia nuotzun da tals eveniments. Il temps semidan ed ils cumins neschan – la democrazia sesviluppessa era en nossa regiun. Gl'emprem mistral dalla **Cadi** ei documentaus igl onn 1368 en in document tuatschin. Il casti piarda sia funcziun e la natira surpren la lavur da destrucziun dallas miraglias, sustenida entras il carstgaun. Grazia alla iniziativa dil Forum cultural **Tujetsch** ei la ruina renaschida el decuors dils onns 1999 - 2017.

Duas annadas ein tagliadas marcantamein ella historia da **Rueras**, dus orsals ella historia dil vitg e quei ein ils onns 1749 e 1817. Omisdus onns destrueschan las lavinas dalla **Pulanera** e **Val Mila** ina part dil vitg e caschunan la mort a 64 persunas e 1817 a 28 persunas. Suenter



l'emprema disgrazia vegn il vitg, che fuva per gronda part construius sin las rivas dil **Rein** dalla **Val Mila** ed el vest dalla baselgia, eregius egl ost da quella.

La via veglia tras la val passava atras tut ils vitgs, quei documentescha in plan cantunal dalla via digl onn 1837. Ei fuva ina via da sauma e per menadiras che seteneva alla lingia naschida durent tschentaners. L'emprema via carrabla, eregida da 1862 – 1864 tras la val e sul pass, meina spel vitg ora. Ils vischins ein sedustai e buca stai fetg incantai da quei; ins veseva schizun la via da bass en - gest sut il vitg. Grazia alla via surora - ei in ton dil caracter vegl dil vitg semantenus tochen oz. Culla viafier succeda il medem. Al giavisch da sbassar la staziun encunter il vitg, vegn buca dau suatientscha.

Il caracter puril semantegn per gronda part tochen ils onns 1980. Lu, e quei grazia al svilup ella val ed en special il turissem d'unviern e stad, ei era **Rueras** suttaposts al svilup general. Il vitg crescha cun l'ereziun da numerusas casas e novs edificis.

Culla caplania ha la scola entschiet el vischinadi. Quella obligaziun s'udeva avon al plevon dalla val ni ad in da ses gidonters, numnai primissaris. Casa caplania ni casas privatas ein stadas ils loghens d'instrucziun. Sriver, leger e zatgei quen, sper l'instrucziun religiosa, vevan la preferenza. L'era dils caplons ha calau cun la mesadad dil 19avel tschentaner. Igl onn 1863 retscheiva **Rueras** l'emprema scola, 1918 vegn quei baghetg engrondius e survescha entochen 1959. La scola nova da 1959 siara sias portas muort la decimaziun massiva d'affons da scola e fusiunescha cun **Sedrun** igl onn 2008.

Cudisch dils vischins da Rueras 1845 – 1901

Il cudisch entscheiva cun ina gliesta dils vischins che han tenu buca naven digl onn 1845. Il cudisch da 17x30 cm cuntegn 214 paginas screttas; la davosa impurtaziun datescha digl onn 1977 entras cauvitg Paulin Berther, **Rueras**

Gliesta da quels ch'han tenu ils s. v. bucs entirs ein sco suonda:

1845 Gion Fidel Maggulin

1846 Gion Fidel Berther, Giachen Martin Peder

1847 Giachen Antoni Giossi, Gion Antoni Monn

1848 Hans Giachen Berther, vegl

1849 Giachen Martin Beer e Martin

1850 Giachen Fidel Caduff

1851 signur scarvon Beer, Vigeli Matias Monn

1853 Gion Antoni Berther, Leci Muggli

1854 Giachen Fidel Caveng, Giachen Lurenz Berther

1855 Tomas Berther, Seph Antoni Geriet

1856 Giachen Maggulin, Hasper Berther

1857 Gion Antoni Palli, Duri Berther

1858 fravi Caduff, Gion Rest Monn

1859 Felizi Schmed

1860 Paul Wenzin, Hans Giachen Berther

1861 Seph Antoni Hetz, Giachen Antoni Giossi

1862 Tomas Berther, Vigeli Schmed

1863 Giachen Decurtins, Seph Antoni Deplaz, frars Hetz

1864 Toni Derungs, Tomas Huonder

1865 Gion Fidel Berther, Gion Florin Riedi

1866 soras Caduff, Stofel Riedi

1867 Gion Anton Monn, siu feagl, Fausta Wenzin

1868 fravi Caduff, giuven, Johan Deflorin

1869 Gion Antoni Caveing, Gion Antoni Schmet, Tomas de Flurin, da **Cunel**

1870 Giachen Monn, stalter Giachen Antoni Wenzin

1871 Hans Giachen, Caduff Duri Wenzin

1872 soras Monn, Giachen Francestg Berther

1873 Lucas Caveing, soras Palli

1874 Gion Fidel Berther, giuven, Gion Antoni Beer
1875 Sep Lurenz Wenzin, Giusep Riedi
1876 Gion Rest Monn, Gion Battesta Peder
1877 Christian Muggli, Sep Antoni Giossi, muliner
1878 Sep Lurenz Wenzin, Gion Antoni Beer

- 1857** Ei vegniu concludiu dils vischins unitamein davart pindrar ils s.v. tiers casa da trer la sort dus per onn ed ira vinavon sco il caver va e maglia la spisa; quels aber che midassen giu liug u casa che vessen ina gada fatg pindrer, ston buca far pli entochen ch'igl ei buca entuorn.
Vigeli Schmed, cauvitg
Emprem ei tuccau la sort al
(*nudau a gl ur*: Quels che mintgamai entscheivan mintgaga da s. Martin e fineschan era da s. Martin)
Hasper Berther
Lezi Muggli
Gion Antoni Berther
Giachen Loreng Berther
salter Giachen Decurtins
Vigeli Schmed
Gion Antoni Monn
misterlessa Wenzin
Gion Antoni Schmed
Giachen Martin Peder
Gion Fidel Berther
Seph Antoni Deplaz
Toni Derungs
Gion Fidel Maggulin
Gion Franzestg Berther
Giachen Monn
Gion Florin Riedi
Gion Antoni Palli
soras Monn
Seph Antoni Hetz
Alexis Hetz
Gion Rest Caduff
gerau Duri Wenzin
Duri Berther
Hans Giachen Berther
Vigeli Schmed
statalter Giachen Antoni Venzin
soras Caduff
gerau statalter Stofel Riedi
soras Maggulin sin **Crests**
Giachen Fidel Caduff
Hans Giachen Caduff
Gion Antoni Caveing
Lucas Caveing
Gion Antoni Beer
1875 Giachen Franzestg Berther
1876 Gion Battesta Peder
Tumaisch Huonder
1877 scarvon Martin Felici Beer
statalter Seph Lorens Wenzin

1862 Ils 3 da zercladur eis ei vegniu visau vischins en casa dil cauvitg Sep Antoni Geriet, nua che quels han unitamein concludiu che tut quels che tegnan s.v. vaccas, mugias u stiarlas a casa, stoppien vischinar cun spisa e pagaglia, priu ora tiers ch'ei buca el cass da far ils trutgs, aber ston far visitar in digl obercheit e quels vischins, che encunter fagessen a quei uorden, dueien adina vegnir tratgs en censura ed encuretgs per tuts donns. En num e per la cumissiun da vischins, Duri Wenzin
Era ston tuttas nuorsas che van cun las cauras vischinar cun spisa e pagaglia, priu ora ils tschuts buc.

1867 El meins november ei vegniu tier la suandonta entelgientscha dils vischins da **Rueras** ariguard tener il s.v. bov entir, la quala ei sco suonda:

Ei duei vegnir tenui in tier da bi peil e habels pigl uffeci. Il stierl sto esser in zol meins che $7/4$ altezia. In mutg $7/4$ $1/8$ ed in bov in zol meins che dua bratscha quintau mesira vedra, tonaton sch'ei fuss in oreifer bi, sche per muncar in zol duei il possessur buc esser obligaus da mirar per in auter, quei duei aber adina cul pli dils vischins vegnir decidiu sch'el plagi ni buc sur quella damonda da bellezza; quella mesira sto exister da S.Bistgaun (20-01) e sin quei di duei el vegnir mesiraus dils vischins el vitg.

Duess ei schabegiar enzatgei ad in taur renconuschiu dils vischins, ch'el fuss buca habels pli suenter ver menau bia vaccas, sche duei il proprietari el termin dad otg dis ver in auter bi taur da bi peil e habels pigl uffeci. Duess ei daventar il cass ch'el fuss buca la mesira sil temps fixau e vegness buca renconuschiu, sche duei il proprietari medemamein en termin da diesch dis ver in auter, tenor questa entelgientscha.

Il temps da menar las vaccas sto el vegnir tenui en in da quels loghens, numnadamein el vitg (**Rueras**), **Dieni**, **Budas**, **Mila**, **Flurin**, **Casti**, **Cascharolas**.

Per tener quei tier vegn ei al proprietari bonificau la summa da 140 francs.

Davart pagar vegnan pridas en quen, tuttas vaccas e stiarlas e mugias, ch'han duvrau il bov, quel ni in auter. Duess ei schabegiar ch'in u l'auter ha ina u pliras vaccas, u mugias ni stiarlas, ch'han en vadi ch'el sa buc duront tagliar pustretsch, sche pagan quellas igl onn suenter pigl onn avon. Plinavon duei ei vegnir remplazzau cun in auter da bi peil e sufficients sil mument, sch'ei plai al possessur da better ora quel e zuar entuorn la fiera d'Ursera ni **Tujetsch**.

Duess ei schabegiar il cass ch'ei vegness menau vaccas naven en il termin sura fixau, ch'ei stuess vegnir mirau per in auter taur, sche ston ils particulars buca pagar en dus loghens, sonder lura ston ils vischins schar esser da prender en quen quellas ch'han saviu pagar en in auter liug, silmeins a proporziun da pagament, per exempel sch'ei ston pagar naven da mo 50 rps. e cheu purtass 80 rps., sche a proparziun vegn mess vitier quellas sco las outras cheu.

Duront la stad e primavera duei, sch'ils auters ein comunabels, era quel esser. Schiglioc pagan tuttas vaccas jastras che vegnan menadas quei pagament ord la mesadad als vischins e l'otra mesadad al proprietari dil bov.

Per mirar tgi stoppi tener el, eis ei ordinau che mintgia 25 vaccas en rot ston mirar per quel, entscheiva cun trer la sort e va lu entuorn sco il cavrer per la spisa. Dapli sto in vischin che enviarna ina ni duas vaccas, sto buca tener taur, sch'ei plai buc ad el tucond la sort, bein aber pagar in franc ina al rot ultra dil pustretsch. Sch'ei tucca ad in da trer la sort dus onns, sche mintgamai quellas vaccas che vonzan ora, ughegian puspei la sort, sche ch'el vess tenui igl onn vargau, num ch'ei vonzi mo ina ni duas sche pagan quellas sco sura in franc ina, po aber era ughegiar la sort cun las outras e tener vinavon il taur sch'ei tucca gl'onn suenter.

Duess en il davos rot vanzar mo vegn vaccas, sche ston quellas era tener, vegn ei aber a vanzar mo 19 vaccas u dameins, sche pagan quellas 50 rps. ina als vischins, pon aber era tener sch'ei plai.

1868 ils 15 da november ei concludiu che tuttas vaccas che peglian vadi suenter ils 24 da settember, ston buca pagar il s.v. bov, seigi vaccas, mugias ni stiarlas ni vaccas da maz.

- 1869** Essend muncau novs **pindrers per la stad** ei vegniu tratg la sort da tut ils vischins e tuccau la sort als suandonts:
 Gion Rest Caduff e stat Giachen Antoni Wenzin
 Fausta Wenzin
 Giachen Lurens Berther
 Hans Giachen Caduff
 soras Maculin
 1892 Luis Prucher e Sep Antoni Hez
 1893 Duri Wenzin
 1896 per atun e primavera: Sep Antoni Giossi e Cristian Muggli
 1896 per la stad: Paul Wenzin e Sep Maria Gigier
 1897 Giusep Deplaz e Christian Muggli
 1898 Sep Martin Monn e Sigisbert Berther
 1900 Paul Berther e Paul Venzin
 1901 Rest Antoni Caduff e Gion Fidel Berther, giuven
 1902 Gion Fidel Caduff e Paul J. Berther
 1903 Wenzin Wigieli da Duri
 1904 Monn Sep Martin e Berther Gion Antoni

1874 Uorden davart il taur 1873 sils 74

Mintga 25 vaccas han da tener taur, per tener quel vegn ei pagau 170 frs. Quel che tegn il taur sa schar menar vaccas jastras, resalvond Gion Flurin Ried, il qual ha sedeclarau da buca vischinar cun nus. Quels ch'han mo ina, ni duas vaccas, ston buca tener taur pagond 1 fr. ina, ston aber sedeclarar ordavon. Ora **Zarcuns** ein ils vischins obligai d'ira suenter miez mars. En cass che quel ch'ha da tener il taur havess da survegnir la malsogna, ed ils vischins stuessen en quei temps menar vaccas tier auters taur, en quei cass stuessen quels pagar tier nies taur mo la mesadad.

1874 Gl'emprem schaner 1874.

Ei dil ludeivel obercheit da nies cumin vegniu tschentau si in uorden da fiug ed ei entraus en vigur sco sura datum muossa. Suondan pia ils umens ch'ei tratgs ora gl'emprem vid la sprezza e quels ein:

Lezi Muggli, Gion Fidel Caduff, Gion Antoni Cavegn, Vigeli Josef Monn, Gion Bistgaun Hetz, Vigeli Giusep Berther, Gion Crisost Berther, Cristian Muggli, Duri Vigeli Schmet e Luis Cavegn ed allura tons sco ei drova.

Ei tenor il niev uorden obligaus mintgin a prompt agid ed obedienscha als geraus, ils quals han il dretg e l'obligaziun da direger e cumandar sin la gliעד.

Era ei vegniu cun sort numnau ils dus visitaders ed ei entschiet tier Sep Antoni Hetz e Giachen Fidel Caduff e duei mintg'onn ira entuorn, anora e suten dus novs per onn.

1875 Ein stai Hans Giachen Caduff e Sep Antoni Deplaz

Vid ils frisachens (*Freihacken*) ein tratgs ora Giachen Franzestg Berther, Sep Antoni Hetz, Giachen Monn, Hans Giachen Caduff, Gion Antoni Beer, Cristofel Schmet, Gion Giusep Derungs, Giusep Riedi, Gion Fidel Berther, vegl.

Per pot da fiug, sch'ei drova, ei Sep Antoni Gieriet numnaus.

Vid las scalas ein numnai Gion Fidel Berther, giuven, Gion Rest Riedi, gerau Duri Venzin, Sep Antoni Deplaz, Gion Rest Caduff, Gion Antoni Pali, Gion Antoni Berther, Sep Antoni Giossi, Lucas Cavegn, Tumaisch Huonder e Vigeli Schmet.

Ils 7 da november ei dils vischins concludiu unitamein, ch'il cavrer duei adina vegnir pladius da far siu survetsch tochen s.Martin (11-11), fagend l'aura buna; dend neivs u aura che fuss cunvegnend da schar ira avon ch'il temps da survetsch seigi finius, sch'ei

ils vischins ils sulets cumpetents da far il pli ni meins, cun tscharna e la maioritad decida. Fatg sco il sura datum muossa en casa dil cauvitg Giachen Antoni Venzin

- 1877 Ils 13 da november** ei concludiu da vischins en casa dil cauvitg Gion Bistgaun Hetz da pagar da cheu anora per ils s.v. bucs entirs annual 4 frs. per in.
Mess per scret per cumissiu da vischins da mei Duri Wenzin
- 1877 ils 13 da november** ei vegniu tratg la sort nua entscheiver cul pindrer dils s.v. tiers casa, ils quals entscheivan da s. Martin e fineschan era da s. Martin, suenter in onn esser staus pindrer ed ha entschiet la sort tier
- 1877 Gion Antoni Palli.
Gion Bistgaun Hetz
- 1878 Giachen Martin Beer
Frars Riedi
- 1879 Luigi Brugger
Gion Giger
- 1880 Lucas Caveing
Frars Berther, G. Lorenz
- 1878 Ils 10 da november** ei unitamein concludiu da vischins ariguard tener ils s.v. bucs entirs. Ei duei vegnir tenu annualmein quater da quels, dus vegls e dus giuvens, pils quals ei vegn pagau 20, aschia 5 francs in per onn, quest pagament vegn tagliaus en pustretsch cun la pagaglia dil cavrer. Ariguard tgi e co tener quels, ei medemamein concludiu da far rots cun las cauras ed ei mess 50 cauras ch'han mintga gada da mirar per ils 2 s.v. bucs giuvens; tier ils dus vegls ch'existan e vegniu priu quen, duein las sura 50 cauras che crodan en rot mintga gada da Daniev ed era vegnir quintau las ansolas tratgas, aschia priu quen cauras ed ansolas che vegnan envernadas.
Il medem di sco sura ei lura tratg la sort cu ch'ei entscheivi e mondi sco il cavrer va cun la spisa ed ei tucbau tier Wigeli Schmet, nua che quel ch'entscheiva il rot ha da ver quitau da formar il rot en uorden, aschia che tal ei il president dil rot dils s.v. bucs mess per sort. Per cumissiu da vischins da mei Duri Wenzin sco cauvitg.
- 1880** Gliesta s.v. bucs entschiet 1880 per 10 frs. per buc per onn per 1880 Vigelli Schmed e Gion Fidel Berther vegl, ston tener dus onns.
- 1881** Ariguard ils s.v. bucs **ei ils 6 da november 1881** vegniu concludiu da trer ora cun la sort, tgi stoppi tener quels tiers e zuar vegn ei tratg ora in onn in e l'auter onn dus da trer bucs giuvens, aschia ch'ei seigi permanent treis bucs el vischinadi. Per indemnaziun vegn ei pagau 5 frs. per onn per in. Quels ch'han cura ch'ei taglian pustretsch dallas cauras meins che quater cauras, ston buca metter en la sort. Per 1881 - 82 ston trer bucs: Gion Antoni Cavegn e Gion Antoni Beer.
- 1881 Ils 6 da november** ei dils vischins vegniu unitamein priu si sequent uorden ariguard las nuorsas da cauras. Sco nuorsas da cauras duei vegnir quintau tuttas nuorsas e tschuts ch'ei naschi avon ch'ei mondi ora sut pastur e quels ston vischinar cun spisa e pagaglia sco las cauras, encuntercomi ein ils tschuts che neschen da quellas nuorsas, suenter ira ora sut pastur, libers da tuts pustretschs. Tgi che per malezia ni negligentscha vegn buca suenter a quei uorden e dat buca spisa e pagaglia per tals tiers, sco era per cauras ch'el ha, sto pagar francs dus il tgau castitg. Aschia concludiu atesta Christian Muggli.
- 1882** 1882-83 Sep Antoni Hetz
1883-84 ston trer bucs Gion Bistgaun Hetz e Gion Fidel Caduff
1884-1885 ha da tener buc Giachen Fidel Caduff e soras Monn
1885-86 Giachen Martin Peder
1886-87 Sep Berther, Giachen Antoni Venzin
1887-88 Duri Venzin e Gion Fidel Berther, vegl
1888-89 Giachen Martin Beer, Sep Antoni Deplaz

- 1889-90 Duri Riedi, Luis Cavegn
 1890-91 Gion Antoni Pally e Sep Antoni Giossi
- 1882 Schaner** ei vegniu midau igl uorden ariguard il vischinar ils pors la primavera, en quei senn, ch'ils s.v. pors, che vegnan la primavera buca laschai ora giu **Surrein**, stoppien era buca pagar al pastur dalla primavera.
- 1886 Ils 14 da november**
 pladiu il caverer per 1882, marcadau 100 frs. e 2 ½ remess.
- 1886 Ils 8 da november ei vegniu concludiu dils vischins** ch'ils suandonts hagian da mirar sura e rugalar ed era emprender da metter ensem e prender dapart schi spert e bein sco pusseivel la sprezza.
 Gion Rest Caduff, Gion Battesta Peder, Duri Battesta Muggli, Giachen Lurenz Caduff, fravi e Gion Antoni Berther
- 1886 Davart il pindrer dils tiers casa** ei cheu avon plirs onns nudau en ch'ins sa buca tgei
 1886 eisi stau pindrers Gion Antoni Beer e Lucas Cavegn
 1886-87 Gion Battesta Peder e Gion Antoni Berther
 1890-91 Muggli Duri Battesta e Wenzin Sep Lorentz
 1891-92 Berther Gion Fidel e Crisost Berther
 1896 Sep Antoni Giossi e Cristian Muggli
 1897 -
 1878 Monn Hans Giachen, Duri Riedi
 1899 Venzin Giachen Antoni e Monn Vigeli
 1900 Loretz Sep, Riedi Giusep
 1901 Gion Matias Monn, Gion Fidel Hetz
 1902 Gion Bistgeun Hetz - Berther Sep, **Dieni**
 1903 Schmid Giachen Antoni - Wenzin Paul
- 1887 Ils 13 da fevrer** ei concludiu dils vischins da tener in s.p. mascal en roda, ei duei vegnir tratg la sort tgi ha d'entscheiver e lura duei ei ira sco il caverer. Quei piertg duei esser duvreivels calonda settember e duei vegnir tenius tochen calonda zercladur. Per il cass ch'ins piarda, sto il possessur mirar per in auter, aber mo inagada, duess ins piarder per calonda mars e suenter, sto el buca mirar pli per in tal. En quei uorden stattan tuts vischins che declaran buca enteifer otg dis al cauvitg ch'els stettien buca tier. Eis ei vischins che vulan buca trer la sort, aber tuttina far diever dil s.p. mascal, ston ei pagar 1.50 frs. e cura ch'ei han pors che fan purschals, ston aber far da saver al cauvitg avon che trer la sort.
 Pagar ston tuts pors che fan pors en quei temps ch'il piertg ei en uffeci, schabegiass ei ch'in ni l'auter stuess ir a menar naven il temps ch'il piertg duess esser cheu, sche ston ei buca pagar. Quel che tila la sort, sto pagar 1 fr., cura ch'ei han pors che fan purschals.
- 1887** Tratg la sort han ils suandonts ch'ei tucchau da tener gl'emprem per 1887 a
 1887 Giachen Martin Beer
 1888 Sep Martin Monn
 1889 Hans Giachen Monn
 1890 Sep Antoni Giossi
 1891 Gion Fidel Berther, vegl
 1892 Gion Bistgaun Hetz
 1893 Sep Berther
 1894 Gion Fidel Berther, giuven
 1895 Vigeli Schmedt
 1896 Giachen Antoni Venzin
 1897 Sep Antoni Deplaz
 1898 Gion Antoni Cavegn
 1899 frars Cavegn
 1900 Gion Antoni Berther
 1901 frars Berthers

Ils auters vischins tilan buca la sort, pagan aber 1.50 frs., essend che negin ha declarau ch'els stettien buca da quei uorden.

Per cumissiun dils vischins, il cauvitg Gion Antoni Berther, ils 20 da fevrer 1887.

Ariguard **las vaccas da casa** ei dils vischins unitamein vegniu concludiu che tuts tiers che vegnan teni a casa, vaccas, genetschas, stiarlas, stiarls etc., sch'els ein buca urentai e declarai malsauns e vegnien buca mess cun il paster da casa, stoppien pagar 2 frs. in al paster, il rest dalla pagaglia pagan lura quels tiers ch'il paster ha pertgirau. Il paster duei il cauvitg pladir. Quei uorden duei cuzzar quels diesch onns sco il present uorden dallas alps.

Per cumissiun dils vischins, il cauvitg Gion Antoni Berther, ils 20 da fevrer 1887.

Ariguard il **piertg mascal** stattan tuts vischins da quei uorden, havend negin sedeclarau ch'el stetti buca en tal. S'obligai da tener tal tier ein ils suandonts: Ils dus emprems onns tegnan cun veglia Lezi Antoni Brugger e Giossi Giachen Antoni, muliner, suenter ei tratg la sort e tucchau igl empren a

1. Sep Martin Monn e va suenter sco il caverer. Aschia ha da tener:

2. Monn Hans Giachen

3. Monn Gion Matias

4. Hetz Gion Fidel

5. Berther Sep, **Dieni**

6. Berther Gion Fidel, vegl

7. Cavegn Lucas

8. Gigier Gion

9. Deplatz Giachen Giusep

10. Caduff Rest Antoni

11. Beer Giachen Martin

12. Berther Sigisbert

Per perfecziunar il sura uorden ei aunc da remarcar: Buca pagar ston ins al possessur dil s.v. mascal per lura, cura che tal piertg ei numnaus nunduvreivels per siu uffeci dils vischins sez, ni per cumissiun da tals.

Per cumissiun, il sura cauvitg

1891 Gliesta per ils bucs

1891-92 Monn Sep Martin, Monn Hans Giachen

1892-93 vieua Onna Maria Peder e frars Berther

1892 Sut datum **dils 13 da november 1892** han ils radunai vischins concludiu il sequent ariguard autorisar il cauvitg en fatgs da pladir pasturs:

Il cauvitg ha nuncondiziunadamein il dretg e l'obligaziun da pladir ils pasturs suenter siu meglier saver e per bien dils vischins. Duessen aber plirs ord miez dils vischins aspirar sils tiers dalla primavera, sche ha il cauvitg da purtar avon als vischins e schar decider quels.

Attesta per ils vischins, il cauvitg Capeder Anselm

Gliesta per ils bucs

1893-94 Sigisbert Berther e Duri Vigeli Schmidt

1894-95 Thomas Huonder e Giachen Antoni Schmedt

1895-96 Wigeli Monn, Fridolin Berther; NB enstagl ei Gion Antoni Cavegn

1897-98 Giachen Fidel Cavegn e Gion Fidel Hetz

1898-99 Sep Antoni Gieriet e Sep Loretz

1899-00 Vigeli Cavegn e Gion Giger

1899-00 Lucas Cavegn e Gion Fidel Berther

1895 **Ils 3 da november** ei vegniu concludiu dils vischins da pagar per las cauras ch'han buca dau la spisa 35 cts dapli che quellas ch'han dau la spisa.

Per cumissiun dils vischins, il cauvitg Duri Vigeli Schmidt

1895 Decembar ei **vegniu concludiu dils vischins** da metter dus pasturs per ils tiers ch'ei tegnan a casa la stad, in giu **Surrein** per las genetschas e stiarlas e l'auter per las vaccas e genetschas che van ensi ni nua ch'ei cunvegn, pertgei ch'igl ei davart dils vischins vegniu concludiu da buca schar la stad, priu ora vadials.
Per cumissiu dils vischins, il cauvitg Duri Vigeli Schmidt

1897 Ei stau **radunau vischins** en casa da G. Lorenz Caduff e vegniu concludiu da dar enteifer diesch dis il dretg da prender aua a tgi che vul ord la lingia bishels dils vischins sut sequentas cundiziuns:
I. Garantir che piardi buc nua ch'el pren ora l'aua
II. Astga buc menar l'aua vinavon ord cuschina
III. Pagar 100 frs. da s. Martin 1897
Per cumissiu dils vischins
Wenzin Vigeli Josef

1898 **Ils 6 da november**
Conclus da vischins

Ei vegniu concludiu da dar al cauvitg la cumpetenzza da pladir in caver stgis per pertgitar las cauras e dar pagaglia ton sco ei fa basegns. Il caver sto pertgitar tut ils tiers, seigi bucs ni anseuls. Il caver sto ir ensi naven da calonda fenadur adina, num neiv e lura mo cun lubientscha dil cauvitg engiu.

Per cumissiu da vischins Venzin Vigeli Josef

Ariguard **igl uorden dil s.v. piertg mascal** ei vegniu concludiu dils vischins il suandont:

I. Ariguard la vegliadetgna duei tal tier silmeins esser naschius el schaner.

II. Tal tier duei vegnir urentaus da s. Gions.

III. Il peil astga esser sco el vul, deno ners.

Per cumissiu dil vischins, Venzin Vigeli

1901 Davart ils burbaisch (*barbeisch, tschut castrau*) ei concludiu da metter si 10 cts. per nuorsa, priu giu dalla gliesta digl atun igl onn d'uonn. Davart il dar la spisa al paster da casa ei concludiu da metter si 80 cts. da quels che dattan buc la spisa.

Davart il taur; pervia dalla mesira e qualidad ed il rot, resta ei digl uorden vegl. Ed era pigl urentar ed ei fatg ora d'urentar Duri Berther, statalter Giachen Antoni Venzin e Gion Antoni Palli. Ei tratg la sort nua entscheiver il rot ed ei entschiet tier statalter Brugger e va sco il caver.





Il vitg da **Rueras** ils onns 1890. La baselgia ornescha aunc in clutgeret! Sul vitg ina casa sin **Crestas**! Ils chischners ein empleni cun graun, dumieci ni segal!
(Foto sin platta da glas da Gion Giusep Deplaz, **Baviera**, oriunds da **Selva**)